



Scuole Secondarie di I° grât "Elvira e Amalia Piccoli"
di Cividât



eco



storitiis



**Classis Primis sez. B e E
an scolastic 2010/11**

Classe I sez. B

ABDURAHAMANOVIC HAJRUDIN
BIASIZZO NIKO
BURELLO MATTIA
CUDICIO VITTORIA
GUERRA NICO
KOVACEVIC HARIS
MERENDA RICCARDO
MONUTTI GAIA
MOVIA ANDREA
PETRUSSA GRETA
PICCARO ALESSANDRO
PICCARO ARIANNA
PREDAN SORSHA ROSANNA
ROIATTI LORENZO
SANDRINO LUCA
SINDACO GIULIA
SNIDARCIG ANDREA
VICARI MARIA SOLE
ZAGLIA CRISTINA
ZANUTTINI FRANCESCA
ZOMPICCHIATTI ARONNE
ZORZINI ALESSANDRO

Classe I sez. E

BELTRAMINI BEATRICE
CAPOREALE RICCARDO
CARETTA SABRINA
CEDARMAS MARTIN
DI LENARDO REBECCA
FADINI GIOVANNI
FLOREANCIG ANNA
GIOBBI GABRIELE
HONSELL SOFIA
MANGIONE FRANCESCO
MARGUTTI ENRICO
MARTARELLO MATTEO
NOBILE GIANANTONIO
PIENIZ PATRICK
POLUZZI LINDA
SERNA MARIA DANIELA
TABAKOVIC MILORAD
TAVAGNUTTI ENRICO
VERDURO FRANCESCO GIUSEPPE
WIRZ FABIANO
ZANCHETTA MELISSA
ZULIANI ALESSANDRO

Scuele secundarie di prin grât "Elvira e Amalia Piccoli"
di Cividât

Ecostoriutis

4 storis par impararâ a riciclâ

Inventât e disegnat dai arlêfs des classis primis sez. B e E
pai fruts de prime e seconde elementâr

Professôrs coordinadôrs Nicoletta Marinig, Andrea Martinis e Tommaso Zamò
in colaborazion cu la prof. prof. Alessandra Kersevan

Realizât cul contribût de Region Autonome FVG L.R. 3/2002
e, pal Proget *Sentieri*, de L. 482/99tal an scolastic 20010/11

Fantax

Cheste e je la strane storie di Fantax, une piçule butilie di plastiche che e veve dentri narançade cu lis bufulutis. Une dì Fantax le à comprade Matilde la Peste che e voleve puartâle a un picnic sul flum Nadison a Cicigolis. La frutate si divertìs un grum, e mangje un paninut e e bêf, a garganele, la narançade frescje. Cuant che al rive il moment di lâ a cjase, Matilde, che pardabon e jere une peste, e pense di butâ Fantax intes aghis claris dal Nadison.

- No stâ fâluuuuu! - e vose la butilie disperade.

Matilde la peste si ferme un moment, une vore incurioside de vosute che e continue - O starai centenârs di agns par disfâmi, o ruvinarai lis rivis dal bielissim Nadison par un grum di timp! -

Matilde, un pôc stufade e tire sù lis spalìs disint: - Uf, simpri la stesse lagne! - e e bute la puare butilie intal flum.

Fantax e vongole su lis aghis verdis e e vai pal so distin, ma so redut parcè che lis sôs peraulis no àn rivât a tocjâ il cûr de frute.



Di chê strade e rive a Cividât e si ferme suntune splazute insieme cun altris butiliis e cetancj sacuts di plastiche.

- Ce maliconie, cetantis scovacis! - e pense Fantax, ma di bot ve che si sintin vôs legris di fruts.

- Oh no! A saran i amîs di Matilde, maleducâts come jê! -



Invezit a son i arlêfs des classis primis de Scuele Medie di Cividât che, cu la lôr insegnante, a àn decidût di netâ un bocon di rive.

I fruts a metin braurôs ducj i refudons di plastiche intal contignidôr just e la dì dopo Fantax, intune cun tantis altris butiliis, le puartin intun super implant di ricicli de plastiche.

Intun lamp, Fantax e je trasformade in grignei prongs par jessi doprâts par fâ “pile” cjalt e fof.

- No pues crodi! O soi diventade une FANTAXTICHE felpe di pile narançon!!! - e esulte Fantax - ma dulà mi puartin cumò? -

Pensait ce robe, Fantax e je regalade propit a... Matilde la peste; alore, a pene che e reste bessole cun jê inte sô cjamare, cuntune vosute sutile, i conte ce che al jere sucedût dopo di chel dopodimisdi cussì scunît. Matilde si vergogne une vore, parcè che altris fruts a àn scugnût rimedeâ ae sô maleducazion. E strenç intor di se la felpe e e cjacare planc - No lu fasarai mai plui.



Il meracul zâl

Il bambuin di non Marcaco al vîf intune cjase sul arbul e al è pardabon golôs di bananis.

Al è un bambuin pelôs e muscolôs, parcè che si rimpine sui arbui.

Une matine Marcaco, prin di lâ a scuele, si inacuarç di vê finît lis bananis, alore al va li di un pomarûl e i dîs - O volarès une banane!

- Sì, ma e coste doi euros! - dissal il marçadant.

- A son masse bêçs! Ducj ce che o ai!

- Prove tu a fâ cressi un bananâr, nol è migo facil.

Marcaco lu paie e s'int va mugugnant.

A ricreazion, ancjemò inrabiât pai doi euros spindûts, al mangje la banane e al bute la scusse par tiere.

Po dopo e rive la bidele, Maria Concetta Benvenuta dite ancje Cetti, che no si inacuarç de scusse e e fâs un biel svol.

- Ahi, ce pache! Simpri par colpe di Marcaco e des sôs bananis. - E cjape la scusse e cence pensâi le bute intal cassonut de plastiche.

Il prof. Mario Ricicli, grant amante dal ambient, si rint subite cont dal erôr.

- Cetti, ce cumbinistu? - al vose - no tu viodis che tu âs sbaliât cassonut?

- Prof, che al scusi, ma cu la pache che o ai cjapât o soi dute confusionade. Dut par colpe di Marcaco.



Alore il prof Mario Ricicli i cride a Marcaco e al fâs une lezion su cemût che al funzione il ricicli dal umit.

- Lis scussis di banane - al spieghe - come ducj i altris refudons di mangjative, si à di butâlis intal composter parcè che a son biodegradabilis; daspò di un pôc di timp, in graciis di un procès naturâl, dut ce che al è dentri al devente un acolt bonon pes plantis e lis fâs cressi sanis e fuartis.

Cumò o ai capît! - al dîs Marcaco - finalmentri o pues risolti il gno probleme e vê dutis lis bananis che mi plâs cence paiâ.

Pal so complean si fâs regalâ un bananâr e lu met intun grant vâs intal tinel, dongje dal balcon viers il soreli.

Ogni dì lu bagne e lu nudrîs cul acolt dal composter che al à intal zardin.

Daspò di cualchi mês ve che al comparîs un biel casc di bananis.

Ogni dì Marcaco a 'nt dispiscje une e se puarte a scuele par mirinde, e la scusse?... Le met intun sacut e le puarte indaûr a cjase come se e fos un tesaur.



Il bicicletaç

Bob al è un frutat come tancj altris, ma i siei gjenitôrs no puedin comprâi la biciclete parcè che no àn tancj bêçs.


Une dì, intant che al va a scuele, al cjale cun invidie i amîs che a passin come saetis dilunc la piste ciclabile.

Nol è just! - al pense Bob - o ài di cjatâ une soluzion!

Bob al è un grant apassionât di ciclisim e une dì intant che si informe sul Zîr di Italie che al steve par rivâ in Friûl, si ferme di un colp e al dîs - Vele li! La bici dai miei insiums! -

Sul gjornâl al è un grant manifest cuntune biciclete maraveose, dute rosse e lusinte e sot e je une scrite "La riciclete, la bici perfete", e dongje a un numar di telefon al è un slogan "Claminus al istant e tu varâs la bici dibant"

"LA RICICLETTA -
LA BICI PERFETTA"



800-50-300

TELEFONA IMMEDIATAMENTE E AVRAI

LA BICI GRATUITAMENTE

Bob al cor e al cjape sù subite il telefon.

I rispuint Jerrykola, il specialist dal alumini riciclât e i dîs che par vê la biciclete in regâl al à di tirâ sù mil latinis e altris ogjets di alumini e puartâ dut inte plaçute ecologjiche comunâl, dentri di une setemane.

Bob al ringrazie, al cjape il calendari e al fâs un plan di azion:

lunis: meti un volantìn a scuele invidant ducj a puartâ lis latinis vuedis

martars: fâ un zîr dai bars cu la cariole dal nono e fâsi dâ dutis lis latinis

miercus: recuperâ padielis vecjis de none e dai vicins

joibe: fâ un zîr des pizeriis par fâsi dâ i scubulots dai spelâts


vinars: racuei lis latinis a scuele

sabide: puartâ dut ae plaçute ecologjiche

domenie: FINALMENTRI UN GRANT BIEL ZÎR IN BICI!

PROGETTO DI
RICICLAGGIO

LUN	AMICI
MAR	NONNI
MER	PADELLE
GIO	BARATTOLI
VEN	SCUOLA
SAB	PORTARE TUTTO IN DIS.
DOM	GIRO IN BICI



Spatule la scjatule

E jere une volte une scjate di non “Spatule la scjatule”.

Jê e jere une scjate semplice e brute di carton maron, doprade par traspuartâ i prodots. Pôc dopo che e jere rivade al supermarcjât, e ven metude in bande ma une mame che e veve di fâ une grande spese pal complean di so fi, le cjape par cjariâi dentri i sacuts di patatinis e i dolçuts che e veve comprât.


Spatule, dopo la vierzidure dai numerôs regâi di complean, si cjate insieme cu lis altris scjatis butadis intun cjanton, e le cjapin in zîr.

- Tu tu sês brute, cence colôrs e cence scritis! - e dîs la biele scjate di une machine telecomandade.

- Nô o sin lis scjatis di zûcs fantastics, e tu? - i domande Rocco il scjatul anti-patic.

Spatule si vergogne un grum e si sint no masse ben tra dutis chês maraveosis compagnis cussì impuartantis.

Ma a la fin de fieste, dutis lis scjatis a vegnin butadis tes scovacis e a scomen-cin a vaiuçâ e lamentâsi.



- Puare me! Jo che o soi la scjate de console plui famose di cumò, butade culì intal mieç de strade! - si lamente une di chês.

- Ce brute fin, cui se spietave - e vai la scjate di un telefonut.

Dome Spatule no si piert di anim e e rive a cunvinci Rocco il scjatul - O vin di rivâ li dal cassonut de cjarte, e je la uniche vie di salvece par nô!

- O ai sintût che se tu vâs alì ti riciclin, ti dan une gnove vite - al rispuint Rocco. Alore a seguissin lis istruzions di Spatule, che intai magazens des fabbrichis e veve fat un grum di experience, e lis scjatis a scomencin a movisi par atirâ la atenzion di un frut.

- Dut chest carton nol à di jessi doprât mâl - al pense il frut - lu metarai tal cassonut pal ricicli, li lu disfaran intun laip, lu netaran des scritis e daspò a 'nt fasaran altre cjarte.


Dutis lis scjatis a scomencin un viaç emozionant e, dopo di un pôcs di mê, Spatule, Rocco e chei altris amîs si cjatin di gnûf insieme suntune scansie di une librerie. A son diventâts libruits titolâts "Ecostoriutis" propit come chel che tu sês a lei cumò.

O sperìn che la leture di chest librut us fasi diventâ ducj esperts "RICICLA-DÔRS"!




PIAZZOLA ECOLOGICA

È UN'AREA RECINTATA E
SORVEGLIATA ATTREZZATA PER LA
RACCOLTA DIFFERENZIATA DEI
RIFIUTI




BIODEGRADABILE

SI DICE DI TUTTE LE COSE CHE
POSSONO ESSERE RICICLATE DALLA
NATURA



COMPOSTER O COMPOSTIERA

È UN CONTENITORE DI PLASTICA O DI
LEGNO CHE SERVE A TRASFORMARE I
RIFIUTI "UMIDI" (BUCCE, FOGLIE, AVANZI
DI CIBO, ECC.) IN CONCIME NATURALE



RICICLAGGIO DEI RIFIUTI

SERVE A RECUPERARE I MATERIALI
DI SCARTO PER RIUTILIZZARLI
INVECE CHE BUTTARLI VIA

